

სსიპ ბათუმის სახელმწიფო მუსიკალური ცენტრი

გამარტივებული ელექტრონული ტენდერის საშუალებით
შეკვეთით ნაბეჭდი მასალის შესყიდვის
(CPV22458000)

სატენდერო დოკუმენტაცია

ქალაქი ბათუმი

2016 წელი

ტექნიკური დოკუმენტაცია

1. შესყიდვის ობიექტი: სსიპ „ბათუმის სახელმწიფო მუსიკალური ცენტრისათვის შეკვეთით ნაბეჭდი მასალის სახელმწიფო შესყიდვა, რომელიც უნდა აკმაყოფილებდეს შემდეგ ტექნიკურ მახასიათებლებს:

1.1. გამარჯვებულმა პრეტენდენტმა უნდა უზრუნველყოს სხვადასხვა ფორმატის ნაბეჭდი მასალის (საქონლის აღწერა მოცემულია დანართ N2-ში) მიწოდება ხელშეკრულების გაფორმებიდან 2016 წლის 31 დეკემბრამდე, ეტაპობრივად „შემსყიდველის“ მოთხოვნის საფუძველზე.

1.2. მისაწოდებელი საქონლის დიზაინი შეთანხმდეს შემსყიდველთან, ხელშეკრულების მიმდინარეობის დროს ან/და მოთხოვნის შემთხვევაში. ნაბეჭდი მასალის მიწოდება უნდა მოხდეს მოთხოვნიდან არაუგვიანეს 48 საათისა.

1.3. პრეტენდენტი უნდა ფლობდეს სპეციალურ ტექნოლოგიურ პროცესებს და დანადგარებს, ჰყავდეს შესაბამისი კვალიფიკაციის სპეციალისტები. მისაწოდებელი საქონლის ხარისხი უნდა შეესაბამებოდეს შესაბამის სფეროში მიღებულ მოთხოვნებს და პარამეტრებს

2. პრეტენდენტის მიერ წარმოსადგენი სატენდერო წინადადება უნდა შეიცავდეს შემდეგ დოკუმენტებსა და ინფორმაციას:

ა) ინფორმაცია შესყიდვის ობიექტის ფასების შესახებ დანართის შესაბამისად (დანართი N1- ფასების ცხრილი);

ბ) ინფორმაცია შესყიდვის ობიექტის ტექნიკური მახასიათებლებისა და პარამეტრების შესახებ დანართის შესაბამისად (დანართი N2);

გ) პრეტენდენტი პირის სრული რეკვიზიტები დანართის შესაბამისად (დანართი N3).

3. საქონლის მიწოდების ვადები და ადგილი:

შესყიდვის ობიექტის მიწოდება უნდა განხორციელდეს ხელშეკრულების გაფორმებიდან 2016 წლის 31 დეკემბრამდე ეტაპობრივად. მიწოდება უნდა განხორციელდეს შემსყიდველის იურიდიულ მისამართზე: ქ. ბათუმი ოდისეი დიმიტრიადის ქ. #1.

4. ანაზღაურება მოხდება უნაღდო ანგარიშსწორების წესით, საქონლის მიწოდებიდან 10 დღის ვადაში, მიმწოდებლის მიერ წარმოდგენილი სასაქონლო ზედნადების საფუძველზე.

5. შესყიდვის განხორციელებასთან დაკავშირებული სხვა პირობები განისაზღვრება სახელმწიფო შესყიდვის შესახებ ხელშეკრულებით, რომელიც გაფორმდება გამარჯვებულ პრეტენდენტთან.

6. დაფინანსების წყაროა აჭარის ავტონომიური რესპუბლიკის რესპუბლიკური ბიუჯეტი.

7. დამატებითი ინფორმაცია დაინტერესებულ პირებს შეუძლიათ მიიღონ შემდეგი პირისაგან ჯაბა სალუქვაძე სატენდერო კომისიის წევრი; ტელ: 599 09-04-90. მისამართი: ქ. ბათუმი ოდისეი დიმიტრიადის ქუჩა N1

ხ ე ლ შ ე კ რ უ ლ ე ბ ა
სახელმწიფო შესყიდვის შესახებ N

ქ. ბათუმი

2016 წელი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ერთის მხრივ სსიპ "ბათუმის სახელმწიფო მუსიკალური ცენტრი" მისი დირექტორის (შემდგომში „შემსყიდველი“), -----სახით და მეორე მხრივ „-----“ (შემდგომში „მიმწოდებელი“), წარმოდგენილი - ----- სახით, „სახელმწიფო შესყიდვების შესახებ“ საქართველოს კანონის და პრეტენდენტის (დასახელება) სატენდერო წინადადების საფუძველზე, შემსყიდველის მიერ ჩატარებული გამარტივებული ელექტრონული ტენდერის (სატენდერო განცხადება NSPA....) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების ღირებულება“ - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ - ორგანიზაცია, რომელიც ახორციელებს შესყიდვას;
- 1.4. „მიმწოდებელი“ - პირი, რომელიც ახორციელებს საქონლის მიწოდებას მოცემული ხელშეკრულების ფარგლებში;
- 1.5. „დღე“, „კვირა“, „თვე“ - კალენდარული დღე, კვირა, თვე;
- 1.6. „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი;
- 1.7. „ტექნიკური დავალება“ - შემსყიდველის მიერ სატენდერო დოკუმენტაციით განსაზღვრული „ტექნიკური დავალება“ რომელიც თან ერთვის ხელშეკრულებას და წარმოადგენს მის განუყოფელ ნაწილს.
- 1.8. „ფასების ცხრილი“ - მიმწოდებლის მიერ გამარტივებული ელექტრონული ტენდერის ფარგლებში წარმოდგენილი „ფასების ცხრილი“, რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. ხელშეკრულების საგანი

- 2.1. ხელშეკრულების საგანია სხვადასხვა ფორმატის ნაბეჭდი მასალის მიწოდება (CPV22458000)
- 2.2. საქონლის ზუსტი დასახელება და რაოდენობა განსაზღვრულია ფასების ცხრილით.

3. ხელშეკრულების ღირებულება

- 3.1. ხელშეკრულების ღირებულება შეადგენს — () ლარს.
- 3.2. საქონლის ერთეულის ღირებულება განსაზღვრულია ფასების ცხრილით.
- 3.3. ხელშეკრულების ღირებულება მოიცავს საქონლის ხელშეკრულებით განსაზღვრული პირობებით მიწოდებასთან დაკავშირებულ მიმწოდებლის ყველა სავარაუდო ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.

4. საქონლის მიწოდების პირობები და ადგილი

- 4.1. საქონლის მიწოდება მიმწოდებელმა უნდა განახორციელოს ხელშეკრულების გაფორმებიდან 2016 წლის 31 დეკემბრამდე ეტაპობრივად „შემსყიდველის“ მოთხოვნისამებრ.
- 4.2. საქონლის მიწოდებას მიმწოდებელი უზრუნველყოფს საკუთარი ხარჯებით.
- 4.3. საქონლის მიწოდების ადგილია ქ. ბათუმი ოდისეი დიმიტრიადის #1

5. საქონლის მიღება-ჩაბარების წესი

- 5.1. საქონლის მიღება-ჩაბარებას ახორციელებენ სათანადოდ უფლებამოსილი პირები.
- 5.2. შემსყიდველის მხრიდან საქონლის მიღება-ჩაბარებაზე უფლებამოსილი არიან ხელშეკრულების შესრულების კონტროლის განმახორციელებელი პირები.
- 5.3. საქონელი ჩაითვლება მიღებულად მხოლოდ ფაქტობრივად მიწოდებული საქონლის დასახელების, რაოდენობისა და ღირებულების მითითებით შედგენილი მიღება-ჩაბარების აქტის გაფორმების შემდეგ.
- 5.4. შემსყიდველმა უნდა შეამოწმოს საქონელი ხელშეკრულების პირობებთან მიმართებაში.
- 5.5. თუ საქონელი არ შეესაბამება ხელშეკრულების პირობებს, შემსყიდველი მიმწოდებელთან ერთად, ან მის გარეშე, ადგენს აქტს დადგენილი წესის შესაბამისად.
- 5.6. შემსყიდველი ვალდებულია ოპერატიულად, წერილობითი სახით აცნობოს მიმწოდებელს შემოწმების შედეგები, დაწუნებული საქონლის რაოდენობა და წუნდების მიზეზი.

6. ანგარიშსწორების ფორმა, წესი და ვადები

- 6.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ხელშეკრულებით გათვალისწინებულ რეკვიზიტებზე ეროვნულ ვალუტაში.
- 6.2. შემსყიდველი ანგარიშსწორებას ახორციელებს:
- ა) მიმწოდებლის მიერ ხელშეკრულების 5.3. მუხლით განსაზღვრული წესით შედგენილი მიღება-ჩაბარების აქტის შესაბამისად შევსებული სასაქონლო ზედდებულის ან/და საგადასახადო ანგარიშ-ფაქტურის წარმოდგენიდან 15 სამუშაო დღის განმავლობაში.
- 6.3. მიმწოდებელი ვალდებულია წარმოდგენილ სასაქონლო ზედდებულზე ან/და საგადასახადო ანგარიშ-ფაქტურაზე მიუთითოს ყველა საჭირო რეკვიზიტი. წინააღმდეგ შემთხვევაში, შემსყიდველს უფლება აქვს არ მიიღოს დოკუმენტი.
- 6.4. წინასწარი ანგარიშსწორება არ გამოიყენება.

7. გარანტია

- 7.1. მიმწოდებელი იძლევა გარანტიას, რომ მიწოდებული საქონელი მიღება-ჩაბარების აქტის შედგენიდან 3(სამი) თვის განმავლობაში ნორმალური ექსპლუატაციის პირობებში არ გამოავლენს დეფექტებს.
- 7.2. მიმწოდებლის მიერ ხელშეკრულებით განსაზღვრული მიწოდებული საქონლის ხარისხი უნდა შეესაბამებოდეს ხელშეკრულებით განსაზღვრულ პირობებს და არსებულ სტანდარტებს.
- 7.3. 7.2. პუნქტში აღნიშნული პირობებიდან გადახვევის შემთხვევაში, შემსყიდველი უფლებამოსილია არ მიიღოს საქონელი ან/და მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული ზომები.

8. ხელშეკრულების შესრულების კონტროლი

- 8.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი.
- 8.2. შემსყიდველის მხრიდან ხელშეკრულების შესრულების კონტროლს ახორციელებენ შემსყიდველის ბრძანებით განსაზღვრული პირები.
- 8.3. ხელშეკრულების შესრულების კონტროლი ხორციელდება სისტემატურად, შემსყიდველის შეხედულებისამებრ.
- 8.4. კონტროლი ხორციელდება როგორც შუალედური ფორმით – საქონლის მიწოდების პროცესში, ისე მისი დამთავრების შემდგომ, მიღება-ჩაბარებისას.
- 8.5. მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

9. მხარეთა პასუხისმგებლობა ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულებების შესრულების ვადების გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე ხელშეკრულების საერთო ღირებულების 1 პროცენტის ოდენობით.

9.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 პროცენტს, შემსყიდველს უფლება აქვს შეწყვიტოს ხელშეკრულება და მოთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.3. პირგასამტეხლოს გადახდა არ ათავისუფლებს მხარეს ხელშეკრულებით განსაზღვრული ძირითადი ვალდებულებების შესრულებისაგან.

10. დაუძლეველი ძალა

10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია მეორე მხარეს აცნობოს ვალდებულებების შესრულების შეუძლებლობის შესახებ.

10.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არის დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.

10.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს მომდევნო სამუშაო დღისა წერილობით უნდა აცნობოს მეორე მხარეს აღნიშნული გარემოების დადგომის (დასრულების) შესახებ.

10.4. 10.3. მუხლით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან.

10.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

11. ხელშეკრულებაში ცვლილებების შეტანა

11.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

11.2. ხელშეკრულების პირობების, მათ შორის ღირებულების შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

11.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11.4. თუ რაიმე წინასწარ გაუთვალისწინებელის მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. ხელშეკრულების შეწყვეტა

12.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) საქართველოს კანონმდებლობით გათვალისწინებულ სხვა შემთხვევებში.

12.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს

დანარჩენი ვალდებულებების შესრულებისაგან.

12.3. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

13. სადავო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოავგარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

14. ხელშეკრულების შესრულების გარანტია - არ გამოიყენება

15. სხვა პირობები

15.1. საქონლის ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

15.2. მიმწოდებელი ვალდებულია საქონლის მიწოდების შემდგომ, საჭიროების შემთხვევაში, მაგრამ არაუმეტეს 2 თვით, შემსყიდველის მითითებით უზრუნველყოს საქონლის შენახვა უსფრთხო პირობებში და მისი შემდგომი მიწოდება წინამდებარე ხელშეკრულებით განსაზღვრულ ადგილას.

15.3. მიმწოდებელმა უნდა უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან დანიშნულების ადგილამდე ტრანსპორტირების პროცესში.

15.4. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.5. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15.6. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული წერილის ან ფაქსის სახით, ორიგინალის შემდგომი წარდგენით, ხელშეკრულებაში მითითებული მეორე მხარის მისამართზე. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

15.7. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულება ქართულ ენაზე.

15.8. ხელშეკრულება შედგენილია ორი თანაბარი იურიდიული ძალის მქონე ეგზემპლარად, რომელთაგან ერთი ეგზემპლარი ინახება შემსყიდველთან და ერთი ეგზემპლარი მიმწოდებელთან.

16. ხელშეკრულების მოქმედების ვადა

16.1. ხელშეკრულება ძალაში შედის ხელშეკრულების თავში მითითებული თარიღიდან (მხარეთა ხელმოწერის დღიდან) და მოქმედებს 2017 წლის 31 იანვრამდე.

17. მხარეთა რეკვიზიტები

შემსყიდველი:

მიმწოდებელი:

ფასების ცხრილი

(პრეტენდენტის დასახელება)

(შევესების თარიღი)

№	საქონლის დასახელება	ზომის ერთეული	რაოდენობა	ერთეულის ფასი	საერთო ღირებულება
1	გარე გამოყენების ბანერი (სქელი)	ცალი	7 0		
2	აფიშა-სტიკერი	ცალი	600		
3	ფლაიერი	ცალი	4 000		
4	საბილეთე წიგნი	ცალი	25		
ჯამი:					

ხელმოწერა -----

ბ.ა

ინფორმაცია ტექნიკური მახასიათებლების შესახებ

(პრეტენდენტის დასახელება)

(შევსების თარიღი)

შემადგენელი ნაწილი	ტექნიკური მახასიათებლები და პარამეტრები	რაოდენობა
გარე გამოყენების ბანერი (სქელი)	ზომა არანაკლებ (3*5) უმაღლესი ხარისხის ციფრული ბეჭდვა, გაკერილი. დიზაინის გამზადებით.	70
აფიშა-სტიკერი	ზომა არანაკლებ (0,40 მ X 0,60 მ) უმაღლესი ხარისხის ბეჭდვა, დიზაინის გამზადებით.	600
ფლაიერი	ზომა (21 სმ * 10 სმ) ცალმხრივი, ბეჭდვა უმაღლესი ხარისხის, ცარცის პრიალა ქაღალდი არანაკლებ 170-200 გრ.	4 000
საბილეთე წიგნები	1 საბილეთე წიგნში A4 ზომის 200 ფურცელი, 1 ფურცელზე 5 ბილეთი, სულ ერთ საბილეთე წიგნში 1000 ცალი ბილეთი, პერფორაციით, ცალმხრივი ბეჭდვა უმაღლესი ხარისხის, ფურცელი ცარცის პრიალა ქაღალდი არანაკლებ 170-200 გრ. დიზაინის გამზადებით.	25

ხელმოწერა -----

ბ.ა

პრეტენდენტის რეკვიზიტები

სამართლებრივი ფორმა:

საფირმო სახელწოდება:

იურიდიული მისამართი:

ფაქტობრივი მისამართი:

საიდენტიფიკაციო კოდი:

ელექტრონული ფოსტის მისამართი:

ტელეფონის ნომერი:

მომსახურე ბანკის დასახელება:

მომსახურე ბანკის მფო:

ანგარიშსწორების ანგარიშის ნომერი:

ხელმძღვანელობაზე უფლებამოსილი პირი
(სახელი და გვარი)

ხელმძღვანელობაზე უფლებამოსილი პირის
მობილური ტელეფონის ნომერი:

(შ ე ვ ს ე ბ ი ს თ ა რ ი დ ი)